

含

經

堂

集

含經堂集總目

卷一

古今詩一

卷二

古今詩二

卷三

古今詩三

卷四

古今詩四

卷五

古今詩五

卷六

古今詩六

卷七

古今詩七

卷八

古今詩八

卷九

古今詩九

卷十

古今詩十

卷十一

古今詩十一

卷十二

古今詩十二

卷十三

古今詩十三

卷十四

古今詩十四

卷十五

古今詩十五

卷十六

賦

卷十七

奏疏一

卷十八

奏疏二

卷十九

奏疏三

卷二十

奏疏四

卷二十一

奏疏五

卷二十二

奏疏六

卷二十三

序一

卷二十四

序二

卷二十五

序三

卷二十六

記

卷二十七

墓誌一

卷二十八

墓誌二

卷二十九

神道碑 墓表 傳 祭文

卷三十

題跋

別集上

制草

別集下

議 碑 公牒

附錄

行狀

附錄二

墓誌銘

舍經堂集總目終



含經堂集卷一目錄

詩

一

徐州道中

南池

同友登濟寧州城

望太白樓

天津

臚傳

同華鵝湖葉訥菴赴京北宴

立春日應制

扈從釋奠先師廟恭紀

春日院中讀書館試

便殿 召見恭紀

扈 駕南苑

送錢咸亭視馬秦州

春日 閱武 召百官詣南苑

送友人佐郡滇中

送譚灌湘前輩予假歸觀景陵

南苑扈 蹕夜 召見便殿

送丘曙戒侍講倅瓊州

內殿 召見恭紀

送蔣辰生歸里

送楊陶雲歸里

送金嘉賓還里

送陳階六給諫帥漕閩中

送王安禮之任南漳

送方蛟峯備兵濟寧

中秋夜集何涵齋宅歸寓同宋蓼天前輩再飲

送米紫來沭陽省覲二首

送友遊泰山

病鸚鵡

秋日雜感四首

送吳錦雯司理肇慶二首

送許天玉之任

左官後作二首

諸同年郊餞留別

舟行口吟

野眺

放鴈

舟中九日

遊寶華卷二首

舟中即事

途中立冬

舟中生日作

舟次清澗復登陸北上

次大屯

武城

獻縣道中

行次石門值大風

雄縣道中

冬日二首

送同年張工部尊澈歸里二首

含經堂集卷一

崑山徐元文立齋著

徐州道中

曾是雄藩北向開  
大河南下勢滌洄  
雲懸萬堞波光動  
雨過千山曉色來  
漢壘已平留故廟  
楚都無跡賸荒臺  
馬蹄蟻局鴻寥喚  
極目悲風起客哀

南池

昔賢遊賞地寥落  
一池清苔蘚侵碑  
古荷葉近岫平客  
帆雲外出高閣望  
中橫鄉思增紆鬱  
良辰託酒鎔

同友登濟寧州城

執手一登城  
城高暮色橫  
炊煙千井合  
野草萬疇平  
澤

畔嘶征馬樓頭臥老兵故鄉多帶甲眺望獨心驚

望太白樓

極目層樓迴猶傳供奉名風流真絕代馮弔此孤城落日春帆遠遙煙暮堞平何當命尊酒長嘯倚簷楹

天津

嚴程趨帝里左輔入天津海色看風雨河澗自鬼神梯航百道會絲管一城春數載頻爲客飄蓬尚此身

臚傳

曙闕曠曠曠樂張佇聽臚唱蕭班行仗前綵映青袍色  
鑪外煙凝黃紙香六字題來看御墨五雲飛處引仙裳  
草茅姓氏傳呼遍 天語還聞下九閭

時蒙至尊所拜呼名故有落句

同華鵝湖葉詒菴赴京兆宴

彤騶高唱帝城隈  
數部笙歌響若雷  
綺陌誰家垂繡箔  
錦鞵是處動芳埃  
尊隨絳燭歌前換  
帽側宮花醉裏回  
何意占星成盛事  
故人同日會蓬萊

立春日應制

北陸寒收漾曉光  
冰池初泮景初長  
珠輪夾日丹霞外  
繡閣連雲紫禁旁  
拂拂梅風飄玉瑫  
霏霏柳霧動銀塘  
今朝御苑春先發  
次第陽和到八方

扈從釋奠先師廟恭紀

鑾輿曉出鳳城邊  
瑞氣圍橋接御煙  
綺結雕簷陳玉葆  
雲開璧戶宿金縣  
詩書萬國從文治  
劒珮羣公直講筵



陪從叨恩無以報觀成惟奏辟雍篇

春日院中讀書館試

曠風颺天和  
鮮雲覆迴廊  
懷生吐榮秀  
帝澤涵百昌  
芸扉太微近  
始值開青陽  
候鳥流好音  
妍卉生繁香  
嘉辰洵可悅  
營道慕周行  
圖書聚祕府  
上充文杏梁  
柔翰恣馳騁  
精心鑒微茫  
紛吾覽古情  
繼以華燈芳  
夜輝照庭際  
星漢垂天章  
宵旦警無時  
日月逝相望  
感彼勵志詩  
青躬何慨慷  
鬱鬱上林樹  
中有鸞雛翔  
豈無乘雲翮  
天路邈相將  
何以荅昌代  
庶擅典籍場

便殿 召見恭紀

春暖鶯啼碧  
尚芳儒臣委  
珮奉明光  
親承玉札雲霄上

分飲瓊漿日月旁  
載筆欲同周右史  
題名寧羨漢仙郎  
空傳枚馬金門侍  
只倚雕蟲事武皇

扈 駕南苑

寒谷春歸緩  
熙陽帝力開  
龍旂天外轉  
鸞馭日邊來  
武節颺金鐏  
歡聲獻玉杯  
長楊應有賦  
竊愧子雲才

送錢咸亭視馬秦州

送君攬轡賦皇華  
西指秦川道路賒  
充國營前還駐節  
隗躡宮下正停車  
秋肥首蓂嘶邊馬  
春入盤嵒採蜀茶  
柔遠且須仍故事  
天闊百萬自雲霞

春日 閱武 召百官詣南苑

黃山上苑帝城東  
講武營開駐蹕雄  
甲擁文犀寒白日

旗翻翠羽動春風  
星羅萬騎龍驤合  
景從千官鵠立同  
豈得時清忘戰略  
至尊手挽六鈞弓

送友人佐郡滇中

驛路通金馬  
功名萬里中  
地當初定後  
政許昔賢同  
水到昆明苗  
過劄佐紅軒  
車莫留滯  
撫字及春風

送譚灌湘前輩予假歸觀景陵

此日恩光黻詔宣  
承歡喜誦白華篇  
江帆風遠看吳岫  
驛柳煙深入楚天  
綵服到家同畫錦  
板輿奉母是雲駟  
驪駒聲裏增惆悵  
祇爲庭間望久懸

南苑扈 蹕夜 召見便殿

離宮初夜樹蒼蒼  
中使傳呼拜御牀  
純席琅函陳甲乙

華燈綠筆開丹黃附謔風土恩偏溼追數興亡語更長  
銅箭漫催行漏永深宵還得賜羹嘗

送丘曙戒侍講倅瓊州

丘遲珥筆重承明悵恨金羈出鳳城炎徼一麾明主  
意蠻雲五管故人情鮫宮風定鳴榔過海嶼花開攬纜  
行此去不須愁遠謫會看前席問蒼生

內殿 召見恭紀

右儒逢聖世講藝屬昌年道挾圖疇秘文開禮樂先北  
辰輝象極東壁應星躔獻賦書連踵橫經學比肩石渠  
陳寶席金賈啓瑤編拾翠詩頻奏長楊賞獨偏風和珠  
網外雲靜綺櫺前宮錦裁成坐蠻花賜作箋葵惟知就

日管自惡窺天何意蓬茨陋濡毫頌得賢

送蔣辰生歸里

落日青門旅思哀歸人遙指白雲隈宮衣客裏迎涼去  
畫舫天邊逐浪開別路雨深頻對酒異時秋爽獨登臺  
元卿莫便耽三徑華國還須作賦才

送楊陶雲歸里

一官辭禁苑千里越關河主澤因歸見離情向客多  
去帆寒拂雨落葉晚增波感慨經行處中流起棹歌

送金嘉賓還里

驪驂留未得揮手惜斜曛望裏千門迴尊前兩地分波  
明江岬樹秋動海門雲前路相思日那堪白鴈聞

送陳階六給諫帥漕閩中

曾聞諫疏動楓宸此日褰帷向七閩  
碧波涵彭嶼月蒼山花發武夷春  
籌兵久切巖廊畫轉饒仍煩侍從臣  
民力東南今已竭看君何以布 皇仁

送王安禮之任南漳

沮中深處近三巴道路蛇行地犬牙  
穰樹每啼初識鳥深山時發沒名花  
荆襄兵火垂三紀市井流亡勝幾家  
此去蒼黃盡歡喜待沾甘雨擁行車

送方蛟峯備兵濟寧

祖帳青門積雨收東行新躍紫驂  
騶池亭細柳少陵句城郭秋風  
太白樓帆落千艘天府貢水分  
雙練濟河流

登俾明月常清嘯知是元規興未休

中秋夜集何涵齋宅歸寓同宋蓼天前輩再飲  
珠露金風夜未央華堂虛敞宴何郎銀船促送珊鈎戲  
翠障寒移絳蠟香一簇笙歌人似錦萬家砧杵月如霜  
良朋餘興連歸馬更啓蕭齋酌桂漿

送米紮來沐陽省觀二首

送爾揚舲去承歡著綠衣愁余千里客徒自戀庭闈雨  
過殘虹斷風高獨鴈飛何處蘆花重與並金羈  
極目淮陰道還思國士才關河憑慷慨兄弟此徘徊湖  
水千櫓迴巖城萬井開懸知壯遊處清嘯一登臺

送友遊泰山

羨子探東嶽披雲入翠微天孫開地莽日觀俯光輝氣  
象層巒豁文章萬壑歸登臨當歲晚霜色上征衣

病鸚鵡

一離瘴海到重城縱處雕籠意豈平乍見清霜侵曉怯  
每支孤影入宵鶯鄉懷荔子空懸夢侶慕山雞總繫情  
毛羽摧頽亦馬訴祇應辛苦自分明

秋日雜感四首

雲物蒼涼禁籞同逼人秋氣動遙空銅池雷滴宵宵兩  
金井梧飄葉葉風秘閣幾曾鏘佩玉綠垣時聽響哀鴻  
當年醉草青詞處滿徑苔衣鎖碧宮

天兵萬里播聲靈誓掃鯨鯢服不庭催戰正馳赤白羽



轉輸難論斗箕星同時將帥推徐勣蓋代勲庸數衛青  
文齒雕題拓地遠受降還擬到窮溟

金風闔闔授衣初隴畝荒蕪足感歎淮右人民祈石鷲  
江州卓馬就河魚大農孰問長平粟左藏仍編會計書  
但得政苛非猛虎甘將膏血佐儲胥

夢到闔闔城外望一天寒色滿平蕪街調獻轡嚴秋馬  
樹繞將雛子夜烏白羽將軍初建節青苗長吏正催租  
廟堂自軫艱難意誰繪流民入畫圖

送吳錦雯司理肇慶二首

瑞雲司理  
吳君卿

曉日驪駒動都亭宿雨寒送君萬里去不覺別離難五  
嶺經新驛三灑度急灘應知吳苑樹猶入夢中看

文章傳海郡風俗問滇陽地遠交遊少官閒嘯詠長山  
禽來翡翠庭樹蔭枕柳吳隱清風在千秋意豈忘

送許天玉之任

才子紆新綬翩翩向隴西雙鳧秦阪度匹馬渭城嘶井  
邑隗王舊詩篇杜老題無嫌宰邊邑前哲慎驅雞

左官後作二首

吹竽三載濫明光爲值秋風製芟裳豈有微長酬 聖  
世不勝餘淚哭 先皇金門霧結星河迴玉署煙迷草  
木荒不是巖壑重回戀側身天地總心傷

負郭曾無田百畝逋租還有累千端楊雄繫爲魑奇拙  
晏子裘丁向晚寒自笑生涯常是客由來吏隱不論官

菴茅莫就靈氛卜且許楓江問釣灘

諸同年郊餞留別

同時簪佩直丹楓把袂難分柳市東前路山川寒照外  
回頭宮闕碧雲中一尊酒破柯亭竹千里人馳木葉風  
知憶白蘋洲畔客好憑雙鯉寄詩筒

舟行口吟

去國帆疑疾還家棹苦遲兩心殊不極千里總多岐遠  
色當空淨秋聲入夜悲終朝風景換人事暗推移

野眺

野岬停橈處空泉落日時葦枝鷗去急度壠犢歸遲岫  
遠青疑隱林寒綠半危客心方極目愁煞暮笳吹

還憶舊遊車馬過，征塵幾敝黑貂裘。

冬日二首

鴻鵠摩天翔矯矯，排虛翮所志在萬里。曠蕩雲中迹不作，榆枋飛徒令鷲鳩惜。君看盍旦鳥，見惡抑何迫。何如瞑歸鷗，林柯恣所擇。且須息羽翰，啄飲聊自適。陽曦會有時，慎勿傷夙昔。

晼晚白日沉，晻藹繁雲結。大河日夕流，泠泠響幽咽。淵鱗潛復遊，木葉乾猶綴。羣欣冬日溫，農家顧愁絕。愁絕獨何爲，窮冬不霜雪。辛勤望歲心，肌骨甘凍折。長吏急徵輸，哀哉膏髓竭。

送同年張工部尊淑歸里二首

全宋詩卷之三十一  
歲晚荒塵路茫茫日易昏春江應北望梅訊到南邨瓠  
落裘皆敝瀾翻舌自存相持彼此意珍重倒離尊  
鄉心依白鴈客路對青巵羈跡曾何定離情許共知宿  
雲連畫堞落日動哀絲班馬餘回戀雙嘶溝水湄

合經堂集卷一

含經堂集卷二目錄

詩二

奉使豫章出都門作

次河間訪戈育仲留飲

過德州

東阿道中

過穀城山望黃石

新嘉驛次壁韻

次兗州遇雨

遊兗州城東

過鄒謁孟夫子廟

過豐邑拜漢高帝廟四首

重過豐縣有感

豐邑友人見訪公廨留飲

過張觀生廣文賦贈

過桃城憇香社寺口占次王文成公壁間韻

桐城山行

東林寺二首

歸里

子璧招飲誰園分韻得誰字二首

送董侍御易農巡河東三首

爲楊菊廬題春曉亭

送盛珍示成進士歸里二首

秋夜同龔芝麓先生宋右之朱鶴門白仲調家子  
星讌集李氏園林即席次韻二首

題王近微墨莊

和詠庵漁樵耕牧詩用元遺山長安門外盡康莊  
原韻四首

易水懷古

由鑾儀經歷復翰林故官

送詒庵旋里分詠吳門古蹟得辟疆園

賦謝文侯兄

元日同豐縣友人遊鳳皇滕二首



登豐縣華山

豐縣懷古五首

斬蛇溝

厭氣臺

偃王塚

鄧侯宅

周勃廟

徐州遇雪即事三首

徐州雪中即事七首

過高唐

過臨淮

含經堂集卷二

崑山徐元文立齋著

奉使豫章出都門作

詔書分道下 神京持節洪都千里行  
風雨不迷青草路 山川惟信白雲程  
平疇秀麥綠 征轍繞驛高楊拂使  
旌 此去三江秋水漲 會乘歸浪石頭城

次河間訪戈育仲留飲

訪子輶軒路 虛堂翠靄迎 松添茶竈火 芹薦玉盤羹  
舊澤思君父 新愁話友生 不辭桑落酒 傾盞慰離情

過德州

百雉懸城壯 千帆帶水長 雲低官樹暗 風定野花香  
漢

落仍充使樓遲久越鄉據鞍聊極目平野正蒼茫

東阿道中

城對堯丘路小連瓠子宮斜梁沙塢外斷碣麥田中郭  
樹千重出谿樵一徑通牆東遺叟在倚杖待行驄

過穀城山望黃石

黃石山仍在當年祠至今殷勤墮履意早識報韓心日  
落圮橋暗煙橫濟水深遺書千載下誰與溯知音

新嘉驛次壁韻

夏木陰陰合春渠脈脈分霏花一徑雨拂石半谿雲塢  
舍參差見邨禽斷續聞唯餘殘碣在常自對斜曛

次兗州遇雨

宿煙昏魯甸急雨背齊關黯黯城千尺霏微水一灣雲  
陰深覆隴霧勢遠移山野馬飛皆定汀禽浴自閑旃毛  
侵柳暗車軸臥苔斑木末征人倦津亭候吏還披涼懸  
雷外待霽夕陽間突兀南樓暮榛荒不可攀

遊兗州城東

雨歇魯王城星留漢使旌千家圍澗色萬木變禽聲臺  
古春屯牧樓荒暮列營停軒聊眺聽騎吹正逢迎

過鄒謁孟夫子廟

間氣嶧山蒼真源泗水長江河維世運日月揭天常辛  
苦齊梁志幾微楊墨防七篇垂後學百載待興王故里  
遺祠在崇扉峻路旁龍虬交古木烏雀避空廊蘚雨侵

塔濕松雲護牖涼冕裳餘氣色金石動輝光半蝕豐碑  
字微頽寢舍牆林巖分翠靄山郭對斜陽近聖瞻鄰壤  
遺宗住一鄉升堂百拜後回首意難忘

過豐邑拜漢高帝廟四首

天授資人傑神奇借地靈猶餘湯沐舊得薦黍茅馨蔭  
戶槐枝綠綠庭薤葉青沛兒歌舞處樵唱不堪聽

魂魄依原廟威儀儼漢官不存縣葢禮還識竹皮冠氣  
象標隆準精靈障急瀾

嘉靖中河津西縣屬高祖像浮洪瀾中不去相傳此像高祖手植棗所製

大風方

四起憑弔日初殘

群雄方逐鹿故舊半桀龍日月天行近衣冠廟祀從分  
行承鳳宸夾陛對鳧鐘因識君王貴如瞻漢殿容

數椽仍碧瓦半畝竟蒼苔城對空堤暮門臨涸渚開秦  
臺餘氣色沛筮剩悲哀車馬風煙外椒漿奠一杯

重過豐縣有感

古道風煙合重城草樹斜經過驚歲月問訊到桑麻字  
滅題詩處帘移貫酒家眼前今昔意惆悵急悲笳

豐邑友人見訪公廨留飲

門外停車轍庭前集佩裾來存千里客共話十年初驚  
眼新蓬鬢探懷舊尺書青尊同一醉明月滿軒除

過張觀生廣文賦贈

石笋娛張祐青羶傲鄭虔一瓢常自足三徑故依然健  
筆龍蛇走高文風雨旋闌來過柳市醉解杖頭錢

過桃城憇香社寺口占次王文成公壁間韻  
車馬桃城市煙霞祇樹居風沈林磬晚雨潤石牀虛苔  
蘚封幽徑桑麻滿近墟前賢題詠在俯仰百年餘

桐城山行

翠巘參差障列城蒼然草樹雜無名經過山腹雨初暗  
散亂石根雲正生慣翦松茆編墊築看疏谿溜灌春耕  
攀蘿未是籃輿賞荷笠愁爲鳥道行

東林寺二首

松門隱高寺清梵對鑪峯傍澗探龍骨臨溪躡虎蹤蒼  
苔碧樹合危磴白雲封短屐尋僧去遙聞幾處鐘  
影殿松杉古齊田苗茁披到來塵劫息坐久客衣滋陶

令當年社類公絕代碑山靈應肝蠶振古護層櫺

歸里

山韭初黃筍蕨肥此行猶未遂  
初衣空如粟里人歸去却憶  
柰源路到稀綵服且寬遊子  
戀清觴聊對故山揮何時結  
駕華陽曲日館雲庭興不違

子璧招飲誰園分韻得誰字二首

平泉饒木石愛客許探奇綺樹霞  
明砌瓊枝雪覆池披襟談舊事  
啜茗和新詩不盡芳林賞留歡  
擬待誰亦知春色好何處息金  
羈共此林園興寧論賓主誰杯  
香花裏發燈影月中移不覺歸  
驟晚嚴城畫角吹

送董侍御易農巡河東三首



侍御天廟器沉深好讀書作賦追西京詩體侔黃初工  
書似韋誕才藝過魏舒釋褐甫壯歲出入承明廬拔迹  
蘭臺寺桓鮑良弟如霜氣肅羣物惠風囑九衢休沐輒  
瀟灑一卷樂有餘矯然青雲姿自與凡俗殊

先皇昔講武雕輦臨長楊離宮燒絳蠟夜坐披封章歎  
息真御史天語聞琅琅名對詣南苑大官賜瓊漿敕  
送羽林騎人馬生輝光此事已五載攀髯涕沾裳抒心  
似葵藿終願傾太陽更張喻琴瑟細大慎紀綱亮哉謬  
謬士如鳳鳴高岡

詔書下栢府國計勞青驄逶迤陟太行驅暑揚清風晉  
山發朝爽汾水收夕虹鴈門控塞表蒲坂連秦中隨輅

甘雨潤拂曉秋花穠悠悠遠行邁攬轡一何雄伊予託  
深契感遇昔所同泛轅跡方困埋輪名獨崇酌子盈觴  
酒離思方無窮

爲楊菊廬題春曉亭

四面雲峰合千迴石磴開丹巖臨綺榭釣渚傍層臺曙  
覺春禽好吟添灌木哀何人會幽趣獨愛草玄才

送盛珍示成進士歸里二首

緇塵滿京國相遇客衣同猶喜故人達都忘吾道窮聽  
鶯宮柳外驟馬苑花中莫道名成晚應培萬里風  
意得雲霄上人分津路前歡情濃別酒賀曲被離絃水  
闊鳴榔度山明著繡還草堂應枉駕旅思待君傳

全宋詩卷之二  
三  
秋夜同龔芝麓先生宋右之朱鶴門白仲調家  
子星讌集李氏園林即席次韻二首

招尋逢勝地物外自清幽望遠翻宜夜憑高倍得秋  
城頭河影度杯底露華流無限深林思空濛一覽收  
就月芳筵換聽歌綺樹寒偶來成勝集誰信是長安林  
影重重出山煙面面看謝公清興極吟嘯欲更殘

題王近微墨莊

心賞耽幽壑東山屬謝公松林書閣暖草徑墨池通  
掃石迎歸月揮琴對晚風翛然塵境遠坐嘯白雲中

和詡庵漁樵耕牧詩用元遺山長安門外盡康  
莊原韻四首

長安門外盡康莊萬頃燭波逸興長  
細雨斜飛敲短笠  
碧汀遙引動輕航菱歌唱罷荷衣晚  
菰米炊成玉鱸香  
多少京華冠蓋侶披裘誰得似嚴光

長安門外盡康莊伐木聲幽白晝長  
負日坐聽山鳥啼  
擔雲行逐野花香藤溪松塢遊皆勝  
草帶芒屨興自狂  
却笑稽山刈薪客治經曾不忘明光

長安門外盡康莊荷耒東皋較雨暘  
谿溜平滋桑宇綠  
隴雲斜覆稻畦黃開軒時把新篘酒  
築圃還餘宿畝糧  
不遣車騶到蓬華此身常得卧南陽

長安門外盡康莊息阪穿林度遠岡  
樹底開襟風瑟瑟  
溪邊飲犢水浪浪編蒲此日還乘興  
洗耳何人未覺狂

鐵笛一聲斜照裏絕勝叩角引清商

易水懷古

荆卿報秦讎躊躇故不行非爲捐軀難所志期功成重  
違太子意慷慨趨咸京出門不顧返怒髮衝冠纓飄風  
正蕭瑟流水亦淒清歌聲兼筑韻錯雜相悲鳴睥睨上  
秦殿意氣紛縱橫堪胸事不諧倚柱身已傾哀哉矐目  
客懷彼同讐情諒無投鉛效義重生所輕他時滄海士  
狙擊如雷驚終奪祖龍魄逐鹿興羣爭擊刺雖下策千  
載思精誠至今易水上日暮多悲聲

由鑿儀經歷復翰林故官

落拓長安意氣存舊官却得拜新恩已辭羽衛違天仗

更捧圖書直禁園幾載攀弓徒有淚當年賜錦尚餘溫  
兩朝何以訓殊遇葵藿傾心徹曉昏

送訥庵旋里分詠吳門古蹟得辟疆園

無復林塘跡臨風起暮愁地當吳苑沼人憶晉風流弔  
古憑千載探奇寄一丘平生足幽興歸到共淹留

賦謝文侯兄

十年釣軸領中州清洛高嵩滿頌謳顧我健才非小謝  
快君偉伐冠諸侯霜風驛路逢騶節漏雨鈴齋促酒籌  
却憶鄉園留未得此行何用答綢繆

元日同豐縣友人遊鳳皇膝二首

勳公為吾師太原園  
崑浦先生舊游

漢室興龍地猶傳是鳳城迴翔春岬曉照耀錦衢明晚

莢榆偏古初芽柳尚輕

鳳膝之下有榆一枝莢錢  
秋落又連開樹柳故云

待逢梧竹實昂

首合長鳴

乘高臨萬井覽物慶三元爲得良朋賞因思知己忌風  
琴泉溜瀉官樹郭陰繁鳳德何當隱諸生正及門

登豐縣華山

亦復三峯石磴披居人夸說故靈奇曾無武帝尋仙駕  
却奉高皇故里祠幾處尋碑看墓刻數家迎客倒郵瓶  
風前晚控青絲勒不覺狂敲白接籬

豐縣懷古五首

斬蛇溝

狂秦已絕蒼生望靈媪空招白帝魂劒氣化成虹去後

喻將溝水更無存

厭氣臺

千童未發歌風響

沛有歌風臺

萬乘曾勞厭氣來  
日落蒼茫回

照裏秦灰漢業總生哀

偃王塚

荒塚蕭條樹色秋  
朱弓曾啓霸王謀  
只今雨雨風風夜

雲影猶疑護一坏

相傳風雨之夜塚旁隱見獲樹昌志亦云

鄼侯宅

相國分珪敘首庸  
貽謀曾不治垣墉  
總營當日咸陽麗  
宮闕荒煙亦暮蛩

周勃廟



安劉竟謝王丞相假節還資陸大夫應是成功須厚重  
他時博陸最相符

徐州遇雪即事三首

縣區銀作礫盈野玉爲塵倍壯山河色先開梅柳春風  
蕤齊卷素霧縠遠鋪茵偶揖門前客如逢剡曲人  
霜笳寒陌動金勒綺城移爲酌延枚酒兼裁和郢詞明  
還侵幌燭密欲亞庭枝坐及東方曙渾疑未曉時  
晏子裘偏冷淳于酒更頻津塗全失路留滯且兼旬吳  
市應垂練寒江想釣絲謝庭聯詠日知憶未歸人

徐州雪中即事七首

銀燭金波盡掩明璇林瑤草頓敷榮繁歌正奏華軒裏

曾是陽春有和聲

聽歌吳氏齋中

嶺上總迷王子鶴池頭莫辨右軍鵝却看數點鴉棲處  
白練圍中墨幾螺

戲馬臺邊天馬舞雲龍山上燭龍行黃河一線春流駛  
淼漫疑從此日清

盡掩蒼黃迷一望自隨高下賦千形鮮妍莫道無堅節  
最稱珊珊松竹庭

刺史偏尋巖壑蹤移家華嶽對芙蓉今朝拄笏看山坐

恍挹神漿玉女峯

張守語及詩家華山下

癖耽半嶺孫登嘯苦愛高軒李賀辭滿目瑤華難折贈

山南山北各相思

孫谷宗李進也別去

積雪川原日欲斜  
蕭蕭車騎客愁賒  
可憐雞犬餘聲裏  
尋得雲中三兩家

雲中不得却舍良  
久始獲卸鞍故云

過高唐

盼子守高唐  
趙馬怯飲河  
所照千里遠  
明珠詎足多  
我來崇武地  
日暮臨青莎  
齊謳逸不聞  
歎息興勞歌  
絕塔宿歸鳥  
短樹昏輕蘿  
長風正天末  
客思將如何

過臨淮

古驛平臨渡  
雄城遠見樓  
千巖分曙雪  
萬畛下新流  
覓路依殘草  
逢樵訪故丘  
儵魚珠自樂  
濠上得來遊

舍經堂集卷二

合經堂集卷三目錄

詩三

上總漕林公

徐松之投贈五言依韻奉答

再酬松之

贈吳園茨二首

新安送周恕菴還廣陵

駕湖送姚際斯觀察二首

嘉興天寧寺送周孝威暫還吳門

戴飛遵表叔欲歸以四韻慰留

吳興別所知二首

全唐詩卷之三  
題楊士虞容閑閣

初發錢塘

舟中雨後

過富陽

嚴灘

江郎山道中

三卿口

仙霞嶺

水碓

同年趙閩公令新城還闕有贈

遊石鼓山靈源洞二首同蓋峰上人賦

鳴水巖

登芳巖峰

烏石山月夜二首

宿歇菴示齋上人

高烈女

洪烈女

贈歸化令黃蒼潭

閩歸將北發贈吳脩齡

曹冠五招飲龍井山

己酉三月十二日由德州次劉智廟遇雪

早朝

送侯大年由萊蕪南歸

送沈繹堂前輩南還

七月望日宿壽陽驛口占次韓昌黎題壁韻

韓信嶺

關中棘院言懷示同事諸子四首

華山二首

函谷秦關

甘壕

函谷漢關

二月十七日 上御經筵大學士寶坻杜公垂示

恭紀四韻敬次和

庚戌三月四日恭聽傳臚喜家大兄及第

蒙 恩授國子監祭酒作

庚戌除夜

辛亥元旦

二月十七日 上御經筵禮畢 賜宴協和門恭

紀

同家大兄招同郡諸公集黑龍潭分韻二首



含經堂集卷三

崑山徐元文立齋著

上總漕林公

間氣生英傑風雲契廟廊一心扶象極千載繼伊唐獻  
納從青瑣訐謨滿阜囊語回天地大氣壓華嵩昂玉佩  
輝卿月霓旌動將芒典司喉舌重作鎮股肱良海宇明  
高日江城肅晚霜指揮成壁壘課較及農桑更筦漕糈  
重還看府幕張河澗春正駛淮月夜偏涼天府千倉粟  
長渠萬里檣京祗煩至計尊俎賴深防東國應開社南  
詩欲紀崇憂時元老鬢濟物異人方學究三墳秘才經  
百鍊剛一時憑柱石四國仰衣裳駑馬邀深顧鉛刀遇

發鉞謬穿楊，圓葉遽占桂。叢芳釋屣趨，鴛鴦抽毫待。鳳皇  
大君恩最渥，知己誼難忘。執戟何顛躓，攀弓獨渺  
茫。安仁官序拙，阮籍轍塗妨。雨露分晨闕，吹噓到汭鄉。  
蒙泉還學海，朽木再登堂。得奉諸生禮，來依夫子牆。感  
恩常有頌，爲國紀平康。

徐松之投贈五言依韻奉答

松之所居乃  
王珣故宅

家是王珣宅，人傳徐孺亭。高情何曠達，孤迹但飄零。舊  
壑歸雲白，深林帶雨青。雕庵圖史壁，還架貝多經。

再訓松之

詩句陰鏗好，相逢恰贈行。感君敦夙昔，爲我話生平。迹  
向鹿門老，心依鷺嶼清。無妨弄柔翰，非欲故逃名。

贈吳園茨二首

詞伯仍分岳，專城晷畫中。  
放衙山繞屋，捲幕鶴歸櫳。  
爲政兼寬猛，徵詩雜雅風。  
漢庭推露冕，第一是吳公。  
課俗饒桑柘，尋幽向薜蘿。  
波明郭外樹，雨濕訟庭莎。  
解壁題詩滿，官廚餉客多。  
白蘋洲畔路，乘興數經過。

新安送周恕菴還廣陵

黃海回車後，青陽改歲前。  
相逢真偶爾，欲別倍淒然。  
夢逐春帆遠，愁隨曙角傳。  
憐君招隱意，結耦是何年。

駕湖送姚際斯觀察二首

風物南湖好，相逢別思侵。  
百城留愛樹，萬井潤甘霖。  
共識褰帷意，難忘折檻心。  
際斯曾官給諫輪轅攀未得，是處感謳吟。

名豈却詵後

余中副榜與  
際斯同門

貧惟鮑叔知津亭方繫纜候館早

歌驪初鴈迎還旆清霜澹遠麾關河多壯闊霄路慎驅  
馳

嘉興天寧寺送周孝威暫還吳門

同作三秋客津塗托友生貧能憂敬仲飲亦愛公榮宿  
雨香臺冷歸風畫檝輕明知非久別爲爾不勝情

戴飛遵表叔欲歸以四韻慰留

誰能論世事我祇任天真得酒難辭醉懷家不厭貧鳳  
知棲未穩龍覺性難馴莫便輕揮手相思感別晨

吳興別所知二首

時將歸  
表之行

綺梅飄故豔碧柳曳新妍一作蒞城客三迴浙水船素

情凌白璧逸句韻朱絃此日前溪舞相看却黯然  
一別便千里離歌未忍聽酒傾上下若路指短長亭荔  
子叅天紫桄榔入座青思君常在眼不道隔南溟

題楊士虞容閣閣

高懷遺世趣寓跡在城隈傑閣侵雲立疏窓面水開斜  
陽銜嶺入新月過湖來庭鶴知清賞相將步石苔

初發錢塘

旅程殊不極西望已濛濛山氣多含雨津帆獨信風鄉  
心離鴈外生事泛萍中不及千溪水流波只向東

舟中雨夜

朝暮兼春雨江流滯客程山雲皆暝色澗壑共新聲野

戊深宵火孤舟欲曙更茫茫竟何緒非有越鄉情

過富陽

水驛浮輕楫江楓導去程流光眼底換幽意客中生灘  
過先聞響山迎數問名勞勞詎無謂得向富春行

嚴灘

此地子陵隱清風不可攀巖亭無歲月石瀨有潺湲投  
餌曾何意披裘只自閒無端爲文叔留跡到人間

江郎山道中

旬自看山足還行山靄中初晴時鳥弄過雨亂流通絕  
嶺連雲碧藜花點石紅相迎如有意吾道豈全窮

三卿口

在仙霞  
嶺北

峰路深無極盤空轉客車飛梁橫作棧編竹泛成槎未  
厭殊鄉語頻看異種花溪山耽眺聽偏惜日將斜

仙霞嶺

絕嶺縣千仞危關控百城雲爲殘雪色瀑作晚雷聲此  
路何年鑿浮生幾日行祇增塵外想底事戀浮名

水碓

機器臨幽壑奇能比化工已傾桔槔智還倚轆轤功高  
下流無定周環勢不窮未妨石衛尉金谷賞心同

同年趙閩公令新城還闕有贈

淑任甫二  
日即告歸

初結陶潛綬旋歸揚子居真輕五斗粟自愛一牀書盤  
荔朱光逼庭榕碧蔭舒溪山好風日羨爾狎樵漁

遊石鼓山靈源洞二首同鼇峰上人賦

架壑危梁迴懸崖絕磴微林間山鳥啣亭際石泉飛風  
過涼生檻雲歸潤到衣由來攀陟處似此故應稀  
峰勢全疑墜煙光乍欲流千尋看碧字百里辨丹樓身  
世誰非客林巒總得秋我來攜慧遠真向石門遊

喝水巖

相傳宋神晏禪師安禪巖下汲溪水  
聲喧振衣一喝水遂回流由他洞出

曠代安禪客遺蹤霧壑傳直將臨濟旨轉作跋師禪翠  
壁孤煙冷蒼臺古木偏無情翻易截何似有情牽

登劣崩峰

高峯直上勢崔嵬闕越雄州一柱開路轉千盤隨石竄  
崖臨百丈聳丹臺鳥飛山外天如鏡人到雲中海似杯



便欲凌虛生羽翼  
翛然綈馬聞風來

烏石山月夜二首

徑自蘿陰密山從夜色深  
隔林微火出單衲小涼侵  
選石移危坐今泉潤渴吟  
不知清漢下何處繫塵心

月宇乘高望金波澹欲流  
榕陰松外靜竹氣石間浮  
影轉峰前寺光搖水上樓  
冶城十萬戶一一助清幽

宿歇菴示翫上人

久客厭塵雜探幽意不忘  
豈期烏石嶺得借白雲牀  
漏聞鄰鐘響燈分佛屋光  
往來從欲數莫惜減僧糧

高烈女

有序

高烈女福州高瑤江考功女名細宋許字同里翁

穉登未嫁而天女執喪翁門者七年穉登弟生子立爲後即白親黨自經死事在康熙乙巳

冥鴻天際來孤飛下在渚稻梁盈陌阡翔集待儔侶如何命不猶颺風起天末驚雄一失所羈鳴隨風落豈足飲啄謀矢志不獨活麟經書宋姬衛風詠栢舟綱常古所重後代何悠悠式表烈女德永言砥千秋

洪烈女

有序

歙縣洪正時女許字同里葉春偉未嫁春偉死女欲自裁母閑之嚴他日有日者至女給母之中堂問星命遂闔戶雉經死

先王首庶物制禮緣人情從父猶稱女廟見嬪始成如

何不接面殺身全初盟烈哉洪氏子一死舉國驚行意  
得所安豈曰顧世名山泐川有竭女德常堅貞

贈歸化令黃蒼潭

十年通籍久試宰近滄溟雲氣侵簾碧山光入幔青萬  
家分雨露百里識雷霆他日黃丞相懸知重漢廷

閩歸將北發贈吳脩齡

縱橫文雅少人知千里追依慰夙期溪雨嶺雲看欲盡  
春林秋月坐相移銜卮花下聯新句翦燭牕前譜舊棋  
縱有飛揚跋扈意臨風能弗動離思

曹冠五拓飲龍井山

巖樓當雉堞林館瞰虹梁勝地紆嘉會尊前忘越鄉溪

幽寒更綠山靜晚逾蒼不倚雙旌貴相攜步夕陽

已酉三月十二日由德州次劉智廟遇雪

春事將闌麥漸肥林間密雪忽霏霏乍疑庾嶺花遲放  
轉訝隋堤絮早飛取醉沽殘邨外酒蔽寒搜遍橐中衣  
馬蹄正滑西風緊逆旅停鞭好是歸

早朝

曙光開萬戶寒色隱千廬綵仗來中禁仙韶動碧虛龍  
旂雲彩拂雉扇日華舒何幸蓬池側朝朝奉屬草

送侯大年由萊蕪南歸

半載衣緇京國塵放吟豪醉獨相親君家自昔多才子  
客路相迎有故人千里齊山青似黛三秋江水白于銀

祇今落拓南歸日，好句盈囊未是貧。

送沈繹堂前輩南還

青綺門前柳色新，送君匹馬向河湑。共知聖代文章伯，猶是先皇侍從臣。三伏擁裘常善病，廿年列戟但安貧。吳淞江上鱸魚美，肯憶東華十丈塵。

七月望日宿壽陽驛口占次韓昌黎題壁韻

計程十日別長安，漸解生衣備客寒。入夜牕前撼撼雨，教人深憶月團圓。

韓信嶺

羞與狗屠伍，徒深兔死悲。名驚大將日，讞伏假王時。濁醪邨前社，荒碑嶺上祠。不聞如布越，千載繫人思。

關中棘院言懷示同事諸子四首

雍州古神皋，赫矣帝王宅。星躔東井文，地括河圖冊。臨  
渭企周叟，望商懷漢客。代運雖湮沈，英賢有遺跡。伊余  
乘軺軒，凜凜奉繩尺。考藝廣國華，揚言彙群策。況乃天  
衢亨，求賢方側席。不有曠世才，伊何慰茲役。

弱齡事柔翰，矻矻無終期。晨吟廢朝曠，夜誦甘宵飢。經  
營苦有意，決擇慎所宜。每躡有司試，終邀  聖主知識。  
塗在老馬折肱成，良醫雖無人。倫鑒宿昔諒，不欺

先皇昔臨御，鄭重登賢士。試可乃揚廷，數求慎綱紀。便  
殿語太息，思以厲士恥。荏苒踰十年，明訓常在耳。緬想  
睿慮深，重黍國恩被。顧市空驩駟，搜林徧杞梓。持以奉

吾君拳拳獨懷此

並命來名都翩然蘭省客意氣擬凌仙文章欲稱伯共  
事更何人英華信弈弈惠起穀陽聲異有中牟迹七郡  
十二賢八共南宮籍素友各開襟新知並聯席持將冰  
雪清對此月華碧良會非徒然他時念離隔

華山二首

危峰如削出開闢問鴻濛入岫纔窺日憑崖欲御風羽  
飄秦代女苔覆漢時宮何處雲裳客清霄此路通  
栢林千磴香石綫數峯明架壑成縣度飛樓接化城河  
靈親拓掌仙客自呼名不摘芙蓉住多慚衛叔卿

函谷秦關

峻阻函關舊長墉襟帶移真人誰駕犢使者自乘驪城  
柝侵寒靜河風入晚悲羸秦曾此地屢挫六王師

甘壕

去文州  
九十里

陝東蕭瑟甚百里但荒丘槿落人防虎柴車客飯牛泥  
翻積雨怯山壓暮雲愁土室停驂後邨醪亦醉謳

函谷漢關

舊險移楊僕新銘著李尤峭山奔積壘澗水影重樓朔  
氣秋原動寒光野樹浮城南坑卒地風雨不勝愁

二月十七日 上御經筵大學士寶坻杜公垂

示恭紀四韻敬次和

盛朝文治俗還醇蘭殿方看視講新雲暎不恩開秘帙



風生璵珮引儒臣尋源聖學葵牆切就日 天顏咫尺

親何幸一經陪御幄更聞上宰賦陽春

庚戌三月四日恭聽傳臚喜家大兄及第

天門曉啓綵雲披蕊榜傳來衆樂隨正是軒宮重麗日

時殿工方告成

纔過修楔秉蘭時漢家仙仗陳黃屋魯國儒冠拜

赤墀多愧却說曾擢第還開花萼上林枝

蒙 恩授國子監祭酒作

銜命慚爲胄子師璧池此日擁皋比猶餘俎豆先王禮  
尚識縱鏞大雅詩六館儒官陪文席四門弟子列經帷  
追思執琖當堦拜十二年前解褐時

庚戌除夜

絳蠟遲遲漏未央，漸看淑氣轉青陽。  
開簾欲入梅風暖，舉棧初浮栢酒香。  
天上先春多雨露，鬢邊早歲有星霜。  
長安十度逢除夜，倍向筵前惜景光。

辛亥元旦

蔥籠佳氣識年華，宮闕重重望裏賒。  
隄畔輕煙先著柳，城頭曙色欲明霞。  
彤廷曉入傳銅箭，碧殿朝回控玉駟。  
還上北堂齊獻壽，垂垂綵袖映春葩。

二月十七日 上御經筵禮畢 賜宴協和門

恭紀

禮樂崇文德，詩書大聖功。  
談經輕虎觀，問道邁崆峒。  
鳳宸臨金殿，龍輿下碧宮。  
司分春正半，亭午日當空。  
玉几

橫籤軸花磚隱珮璫數陳關 主德儆戒竭臣衷至理  
詳明命微言表執中堯湯千古契舜禹一心同穆穆  
天儀睟溫溫 睿念冲無私恢四目有喜識重瞳闕下  
留芳宴筵前蕭上公綺肴萬品錯桂醕百壺充湛露恩  
真渥條風景最融捧觴霑欲醉作賦速偏工綠字祥方  
啓青霄志可通小儒徒測海長此效呼嵩

同家大兄招同郡諸公集黑龍潭分韻二首

仙館金庭路幾重近依帝籍傍高墉壇空欲下雲中鶴  
樹老疑蟠潭底龍小閣寒生風瑟瑟方塘晴暎水溶溶  
朋儕不倦遊觀興指數城西千萬峰

顥氣潛移乍得霜猶然秋楔狎年光境綠絕僻成良會

客總忘形是舊鄉  
落葉爲茵承密坐  
野煙如幕帶斜陽  
接離倒載吾徒事  
一舉何辭累十觴

含經堂集卷三